

*A 274*

~~7919~~

7963

Z BIBLIOTEKI  
SEMINARIUM  
SANDOMIERSKIEGO

# ΥΠΑΝΤΗΣΙΣ

ILLVST<sup>mo</sup> AC RND<sup>mo</sup> DOMINO.

D. MATTHIÆ  
LVBINSKI

DEI ET APOSTOLICÆ SEDIS  
GRATIA EPISCOPO POSNA.  
NIENSI SENATORI CON-  
STANTISSIMO.

Pietatis, Prudentiæ, Liberalitatis.

EXEMPLARI

Summa cum gestientis animi læticia &  
gratulatione.

A

7942  
Z BIBLIOTEKI  
SEMINARIUM  
SAMBORSKIEGO

INVENTUTE ACADEMICA  
COLLEGI  
LVBRANSCIANI

Patrono suo amplissimo  
Academiae Posnaniensis  
Protectori maximo

Dum

Posnaniam, Episcopae suae  
Sedem, augustam

*Votis omnium auspiciis*

*Ad iniciam Anni Domini:*

CIO IDC XXIIIX.

*Felicissimè ingrederetur*

PROCVRATA.

POSNANIÆ,

In Officina Ioannis Wolrabi. Anno D. 1628.

# ODE

## TRICOLOS TETRASTROPHOS.



uamuis nec alti vertice montis, &  
Musis amico, & Diis habitabili,  
Super deerrans presserim, iam  
Mente Deum cohibente, gressus.

Nec profluenti fonte Aganippidos,  
Velox ruentis quem scidit vngula  
Equi, lupatis nonq̄, frenis  
Bellerephonteq̄; nec soluti;

Superbus vnquam mollia sparserim  
Ora: vnde magnos tollere spiritus,  
Tentare fortunam potentem, &  
Horrida bella vicesq̄; Regum,

Audax, & altum condere quærerem  
Nunquam dolendi nostri opus ingeni:  
Vim quantam Homero vel Maroni  
Aoniæ dederunt sorores.

B

Humi

Humi quietus, non ego somnians  
Mentem recepi Mæonij grauem  
Vatis: nec edoctus Camœnis,  
Ad superas Heliconis arces

Duxi perito carmina pollice.  
Caput reuinctum non hederis meum  
Mirata fallax plebs, rudisq;  
Nobilibus retulit Poetis.

Tamen furorem mens agitat nouum,  
Cogitq; Graios dicere me modos,  
Et Pindaro dilecta multum  
Plectra referre manu sagacem.

Sedô Dearum Phœbe potens precor,  
Quemnam virorum personet hæc mea  
Aurata testudo? trophæi  
Cuius in obsequium reclinet?

Dicam Scytharum versam aciem retrò,  
Cæsas phalanges acriter hostium?  
Turcæq; Moschorunaq; vires,  
Comminuisse Polona tela?

An.

An quem beato circumit agmine  
Virtus ? in alto Posneadum loco,  
Magnum Sacerdotem bonumq;  
Omne compositura pulchro ?

Hunc & celebres antecunt aui,  
Propago gentis nobilis & vetus,  
Et clara gestis rebus, atq;  
Prodiga pro patria laborum.

Illos & armis fædifragi Dacæ  
Norunt, nec ignorat refugus Scythes,  
Vafra timendus pace semper,  
Et inage missilibus sagittis,

Inter cateruas Bistonidam feras  
Depræliantes, non sine gloria  
Magna, refusâ hæsisse vitâ  
Sæpius, & retulisse prædas

Ferunt abactas; immemores sui  
Procul paternis & lare rureq;  
Hinc militauisse impetusq;  
Pectore sustinuisse forti.

Non

Non mussitabat miles in horridos  
Iturus hostes; damna, pericula  
Vitæ, recensendo loquax; at  
Segnis in arma tamen ferenda.

Si quando pressit dira necessitas  
Rempubicam, non defuit impiger  
**LVBINSIORVM** illi tuendæ  
Flos animis iuuenum paratis.

Hic & fideli consilio Patres  
Iuuit togatus, quaq; scientia  
Circumferebat fortis arma,  
Non minor ingenio sequaci,

Frequenter ægrotæ hac patriæ tulit  
Opem quietæ. Quis flagitet mihi  
Prudentem Vlyssem, Nestoremq;  
Iliacis memores ruinis?

Catos Camillos, Fabricios graues,  
Quis poscat amens? quis querulus malè  
Extollat ætatem uetustam,  
Cæcus ad acta domus **LVBINSCI**?

Audi

Auditis? an meludit amabilis  
Imago magni Præfulis? hic erit,  
Qui rebus arctatis Polonis,  
Consulet in melius recliuis.

Vitamq; totam, conscius ad suæ  
Virtutis antiquæ, exiget optinè,  
Exemplar olim diligenti  
Iam trutina benè pensitatum:

Rempublicam seu sollicitus gerit,  
Nullum, salubri consilio & fide,  
Infra reponendus Senator,  
Auxilioq; sat efficaci.

Ecclesiæ seu prouidus incubat,  
Nulli secundum credite posteri,  
Æuo sequenti quàm inuidendum  
Archetypon: facilè o futurum!

*Alexander Casimirus Wolkowicz  
Castellan: Nouogrodensis  
Eloquentiæ & Iurispru-  
dentiæ Stud.*

ODE



# O D E

## DICOLOS TETRASTROPHOS.



diu nostris bone Præsul aris  
Debitus, votisq; veni, & præaltis  
Posneam tectis subeas secundus,  
Omne fausto.

Ciuium gratos oculos morantem  
Exhibe vultum, Patriæq; nostræ  
Redde iam lucem tenebris fugatis,  
Inclyte Pastor.

Namq; te præsentem, dies ad instar  
Temporis verni populo redibunt  
Gratiùs multò, salubresq; ducent  
Flamina venti.

Nobilis blando procul hinc sit auro  
Vita, priscorum malè mentientium-  
Aureum seclum; fluuiusq; fulua  
Hermus arena

Pactolus

Paetolus cedit, Tagus atq; cedit,  
Diuites amnes; tibi Præsul alme,  
Varia foecundus reuehet coruscum  
Flumen obrizo.

Faustitas felix, & amoena pratis  
Vndiq; vbertas, chlamydem virentem  
Cincta, ridebit tibi, blandiensq;  
Copia cornu.

Bella discordi metuenda fronte,  
Finibus nostris procul ite, paxq;  
Præfuli gratis onerata lauris,  
Seruiat vna,

*Hieronymus Cielecki*  
*Scud: Eloquent*

ODE

# ODE.

## TRICOLOS TETRASTROPHOS.



VC huc, umbriferis regna potentia  
Lauris, Calliope, & dulcia deserens  
Fontis Pegasei arua,  
Molli cum Cythara veni.

Ne semper gelidos aut Heliconis, aut  
Hæmi, vel virides Pierij iugi,  
Regalis meditere,  
Lucos. die age tibiá

Currum magnificis turgidum honoribus,  
Insignem numero agmine Sarmatum,  
Sublimis vehitur quo  
Vrbem in Posneadum inclytam,

Præsul magnanimus, gente LVBINSCIA.  
Æquata superis, progenitus bono  
Cæli sydere, pensis  
Parcarum atq; fauentibus.

Hic

Hic rerum columnen, summus eritq; apex,  
Artes auspice quo, atq; hæc Academia,  
Cultrix ingeniorum,  
Cælo mox caput efferet.

Florebunt iuuenum pectora, mollia  
Formari eximijs artibus, optima  
Magnorum seges olim, &  
Longa examina ciuium.

Quales orbe nouo per medium æthera  
Phoebe fleēt equos, purpureis nitens  
Flammis, sed nisi pulcro  
Solis lumine splendida.

Sic sic auspicio pulcra LVBINSCH,  
Diffundet radios nostra Academia  
Latè, non metuetq;  
Constans nigram hyemem Noti,

Tempestatis acris nec Boream ducem,  
Flatus terribiles aut Aquilonios:  
Nulli noxia, dente  
Nec mordebitur inuido.

C

Hic

Hic illam placido lumine viderit,  
Fortunamq; pius constituet pede  
Recto, mobilis atq;  
Saxi vis ruct improba.

Hinc illum ad superos fama feret polos,  
Seris inseret & posteritas memor  
Seclis: Pieridesq;  
Namen propitium canent.

Qui Musis fauet, hunc non cineres tenent  
Obscurum: haudq; vetant ire per ardua  
Mundi climata clarum,  
Vmbrae difficilem mori.

Eduxere suis vrbibus horridis  
Turres aeras; percipidi boni,  
Et nunquam morituri,  
Multi, nominis; ipsa sed

Hostis consilijs diruta moenia,  
Æternam dominis puluere sordido  
Attraxere ruinam.  
Nunquam Pyramides neq;

Mauso.

Mansolea, valent effugere impiæ  
Mortis ius rigidum. Nescius obrui  
Rex Iagello, quatit quàm  
Pulcro sydera vertice!

Morem iam tacitæ crescit ad arboris,  
Viua eximij fama Lubranfcij:  
Rozrazeuius & non,  
Regnum Persephones timet,

*Ioannes Eustachius Kossakowsky  
Capitan: Lomzen: & Gulbinen:  
Eloquentiæ Stud.*

## ODE.

### MONOCOLOS.



Antistes, studij dulce decus mei,  
O & præsidium, magnaq; spes boni:  
Dum vertente noui curriculo venis  
Anni, quo generi nil hominum datum  
Maius, vel melius, nil quoq; lætius,  
Inter tot tibi quæ vota parauero?

Est

Est his temporibus qui redeuntibus,  
Optauisset amicis solidas opes  
Cræsi, Tagi fluminis aurei,  
Et vestem Tyriam murice nobilem.

Hunc si tangit amor crescere honoribus,  
Et famâ quaterè vsque æthereas domos:  
Illum si stimulant tot nemorum atq; agri  
Curæ: dant populi vota benignius.

Verùm me nec honos, nec tua dignitas  
Hoc optare iubet: vita superstes vt  
Sit, rerum facilis prosper & exitus,  
Ac his mens benè sana: addiderint tibi  
Fausti cætera Dî: non magis & prece,  
Et thuri faciles sollicitem Deos.

*Petrus Ciswicki Castellanus:  
Sremen: Stud: Poes.*

OD E

# ODE

## DICOLOS DISTROPHOS.



Non, si me nouus occupat  
Ardor, flagitio dignus habebitur.  
Tantæ non tacitus diem  
Vnquam lætitiæ præteream insolens,  
Quamuisq; ingenio minus  
Solerti valco: nec mea carmina,  
Vel thecas Adamantinas,  
Aut aurum mereant; aut athena occinam,  
Hic unguenta capacibus  
Conchis funde puer; Pocula Massici  
Hic appone frequens: rosas  
Huc fer, sparge citò candida lilia.  
Istum festus agam diem,  
Felicem domui ritè **LVBINSCIÆ**,  
Vnde hæc gemmula prosperè  
Et sydus rutilum duxit originem.  
Quæ lux gratior incolis  
Fulsit Posneadum? tristia quis mihi  
Ingratus memoret? quis &  
Mentem sollicitis questibus impleat?



Cum nostrum iubar & decus,  
Iam pridem meritis Præsul honoribus  
Dignatur, numeret noua  
Sic semper facilis præmia: Posneam &  
Felici regat omine,  
Vitam & semper agat tristitia procul.

*Wladislaus Ciswicki Castellanus.  
Sremeni: Stud: Poes:*

## ODE

### TRICOLOS TETRASTROPHOS.



A tes disertis, carmine diuite,  
Multi, decoras mox referent tuas  
Magnasq; virtutes: ego illis  
Inferior, pia vota soluam.

Me tertium iam, fata fauentia,  
Miscere suadent non sine laudibus,  
Me Sospitatori benigno  
Ferre Ioui cyathum calentem:

Patro-

Patrone dulcis, Præful & optime  
Quado inuidendis fultus honoribus,  
Sellam curulem illustriorem  
In medio repetis Senatu.

Virtutis almæ hoc est, meruisse sat  
De publica re; est & meritis pari  
Mercede donari, fruiq;  
Fine laboribus expetito.

*Hyacinthus Rozrazemsky  
Stud: Poeso*

## O D E

### DICOLOS DISTROPHOS.



erax Apollo si Chelym me tægere,  
Doctæq; nunquam fallere  
Suasere Musæ, Præful o amplissime.  
Vetus religio patribus  
Nostris amata plurimū redibit: &  
Tenax redibit iam fides,

Velata

Velata panno candidoq; veritas,  
Sed nuda toto pectore,  
Felicibus sub auspiciis surgent tuis  
Moresq; quàm integerrimi.  
Nec turba pulchrè mentientium suam  
Tenebit vltra mimicam  
Personam. Et audax in caput scelus ruet;  
Contistet amplius neq;,  
Malignitatis impotens, superba, vis.  
En pollicetur hoc tuus  
Vultus benignus; quem intuemur blandulè;  
Surgentis vt solis faces.  
Hoc pollicetur apprecatio, satis  
Fausta omnium applaudentium,  
Præclaro honori tam tuo. Rex & bonus  
Promittit hoc de te sibi;  
Qui te redonabit Senatorem optimum  
Virtute dignis præmijs.

Ioannes Rozrazewsky  
Sua: Eloquentia

ODE

# O D E

## DICOLOS TETRASTROPHOS.



Andem, deproperes alta silentia,  
Qui Graiæ moderaris Cytharæ melos,  
Summis verticibus Pieridum sacris,  
Cynthi, rumpere peruicax.

Regum nil cupias gesta potentium,  
Nec latè populis imperium patens,  
Percensere Lyra: Parciùs haud canes  
Claræ clara LVBINSCIÆ

Gentis stemmata: quæ sydere astenent  
Arces. nescia cui lucida cornua  
Sunt Tauri? ille Ioui dum obsequitur libens?  
Cui ignota iacent quoque,

Dum nostri officio Præsulis incubat?  
Dat mulcenda bonis, fronte petit malos.  
Quod si ( mens hominū quod fabricat, quod &  
Ignavis etiam patet)

D

Linguas

Linguas stemmatibus reddere nobilem, &  
Virtutes videas Præfulis arduas,  
Cælo iure Deos hunc prope colloces,  
Vesci nectare melleo.

Illi non animus iustitiæ tenax,  
Prudens in dubijs rebus, & abstinens  
Lucri, nonq; deest candida pectoris  
Virtus. Proxima gloriæ

Immortalis erit, peruvia comitas  
Cunctis: perpetuus pro patria & labor,  
Seu Mars horribili detonet impetu,  
Fuso sanguine gestiens,

Ac æquare solo regna per impiger  
Urbes: seu vacuus militiæ feræ,  
Non antè oppositis obicibus, biceps  
Ianus claustra coerceat.

*Andreas Casimirus Wotłowiçz*  
*Succamerar: Trocen:*  
*Eloquentiæ Stud:*

ODE

# ODE

## DICOLOS TETRASTROPHOS.



Ostibus Romanus adusq; victis  
Gaudeat miles; numeretq; magnos  
Clara deductos capitolium per  
Roma triumphos.

Virbium & Regum, celebrent trophæa  
Virginum mistæ pueris cateruæ,  
Præda victorem sequitur reuincta  
Cum redeantem.

Nos iuuat pulchræ meminisse lucis,  
Et dare applausus: iuuat auspicatò  
Præsulis Posnam venientis almi,  
Ora videre,

Pulchrius nunquam, roseis capillis,  
Inter errantes dubio recurso  
Syderum luces, micat atq; splendet  
Memnonis altrix.

d2

At

At nec aurata facie decorus,  
Multa post ingratae hyemis feræq;  
Nubila, & cæcas tenebras, resurgens  
Phœbus Eoo,

Corda sic mortalia, suaviore  
Luminis flamma recreat fouerue:  
Præfulis quàm nos hilarat **LVBINSCI**  
Lumen amoenum.

Morte Patronos obiisse dira  
Luximus multos, tenuere sedes  
Hæc, qui Musas coluere nostras  
Semper amicè.

Sculpimus mæsti, & memorem querelam,  
Inter illorum monumenta sacra,  
Inter & Fastos, meliora tandem  
Fata vocantes.

Seculum priscum rediisse læti,  
Nostra quo florem repetita Musa  
Nunc suum, gratum nimium secundè  
Fundet odorem;


Plaudi-

Plaudimus, princeps tibi gratulantes,  
Et dies faustos, petimus rependant  
Dum tibi, successibus & beatis,  
Vota secudent.

Hic diu nostris aderis benignus  
Rebus: hic viues potiore vitæ,  
Laudis & cursu: neq; dum precamur  
Alcius vrgens.

*Petrus Malczewski  
Eloquent Stud.*

**O D E**  
**TRICOLOS TRISTROPHOS.**

mnibus ergo licet sua nunc depromere vota?  
Et apprecari Antistiti.  
Omina grata pio?

Quantum quisq; potest, tantum molitur anhelans,  
Assurgere in laudes boni  
Principis egregias.

Mē



Me nec dulce canens aliorum Musa mouebit?  
Nec festa turba ouantium?  
Non alacresq; animi?

Solus ego piscis mutus, tacitæq; columnæ  
Ceu marmor, exigam diem  
Hunc sine muneribus?

At ne Iuppiter alme sinas tantum scelus vnquã,  
Et vos puellæ Heliconiæ,  
O prohibete nefas.

Lechiacæ gētis decus est prægrāde LVBINSKI  
Nostri Lycæi ocellus, &  
Vnica spes opulens.

Succede ergo bonis auibus, dignissime Præsul,  
Nec pertimesce Posneæ  
Tecta superba pede

Attrectasse sacro: veniet facilis tibi mulcum  
Labor hic, Erynnis nec canum  
Morem imitata ferum

Distin

Distringet rabiem tetram : Citò languida secum  
Sed membra ad inferni trahet  
Impetuosam domum.

Scilicet Hæreseon sine fraude vigebit ouile,  
Et sub tuo gubernio,  
Clarius astra petet.

Huic nitor & veniet, surgentq; minantia coelo  
Cacumina alta currium;  
Atq; Corynthiaco

Ære percussos radios iacent procul; & te,  
Ut alterum Lubrancium,  
Conscia templa Deo,

Multa voce canent. Atq; hæc avida bibet aure  
Ætas auorum subsequens,  
Et pueris recinet.

O te quantumuis præclara Micchouia magnis  
Gemat parentem lachrymis,  
Flebilibusq; modis.

Illæ

Illæ animæ sanctæ, primis maioribus olim,  
Quæ Sarmatas ceremonias,  
Edocuere sacras.

Et licet vsq; pijs suspirent pectora votis  
Chelmensium, Mystes quibus  
Tu datus eriperis,

Ingratas iam linque moras, citus inspice nostros  
Diuos penates, te neq;  
Vlla retardet hyems.

Mobilis ingenio ne cures quas struat artes  
Succus, Polonæ non benè  
Hastæ animiq; sciens.

Occidit & cruciger buccas inflatus vtrasq;  
Et Moschus atium comminans  
Sarmatiæ exitium.

Nunc te, Posneadumensis Ecclesia palmis,  
Gestit videre Principem,  
Grata suo populo.

Porrigit & fasces, & auitos tradit honores,  
Et apprecatur secula  
Prospera mille tibi.

*Albertus Dachowski Elo-  
quen: & Mathematic. Stud.*

